

Հարգելի պարոն Թորոսյան

Ձեզ ենք ներկայացնում Հայաստանի Հանրապետության կառավարության եզրակացությունը Հայաստանի Հանրապետության Ազգային ժողովի պատգամավորներ Արա Նռանյանի, Արթուր Աղաբեկյանի և Արծվիկ Մինասյանի՝ օրենսդրական նախաձեռնության կարգով ներկայացրած «Ավտոմոբիլային տրանսպորտի մասին» Հայաստանի Հանրապետության օրենքում լրացում կատարելու մասին» Հայաստանի Հանրապետության օրենքի նախագծի վերաբերյալ:

Համաձայն «Իրավական ակտերի մասին» Հայաստանի Հանրապետության օրենքի 9-րդ հոդվածի՝ օրենքը կարգավորում է առավել կարևոր, բնորոշ և կայուն հարաբերություններ: Այդ առումով նախագծով նախատեսված լրացումներն օրենքի կարգավորման առարկան չեն հանդիսանում, քանի որ ավտոբուսային կանոնավոր փոխադրումների երթուղիների կանգառների տեղաբաշխումն իրականացվում է քաղաքաշինական նորմերին, Հայաստանի Հանրապետության կառավարության 2007 թվականի օգոստոսի 30-ի N 1042-Ն և 2007 թվականի դեկտեմբերի 27-ի N 1587-Ն որոշումներին համապատասխան:

Ելնելով վերը նշվածից՝ Հայաստանի Հանրապետության կառավարությունը ներկայացված օրենքի նախագծի ընդունումը համարում է ոչ նպատակահարմար:

Միաժամանակ հայտնում ենք, որ ներկայացված օրենքի նախագիծը Հայաստանի Հանրապետության Ազգային ժողովում քննարկելիս հարակից զեկուցմամբ հանդես կգա Հայաստանի Հանրապետության տրանսպորտի և կապի նախարար Գ. Սարգսյանը:

ՏԻԳՐԱՆ ՍԱՐԳՍՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆԱԸ

«ԱԿՏՈՍՈՐԻՆԱՅԻՆ ՏՐԱՆՍՊՈՐՏԻ ՍԱԽԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆԱՐՈՒՄ ԼՐԱՑՈՒՄ ԿԱՏԱՐԵԼՈՒ ՍԱԽԻՆ

Հոդված 1. «Ավտոմոբիլային տրանսպորտի մասին» Հայաստանի Հանրապետության օրենքի (5 դեկտեմբերի 2006թ., ՀՕ-233-Ն) 13-րդ հոդվածը լրացնել նոր՝ 5-րդ և 6-րդ մասերով.

«5. Ներքաղաքային և մերձքաղաքային ավտոբուսային կանոնավոր փոխադրումների երթուղիների կանգառները տեղաբաշխվում են խաչմերուկներից առնվազն 50 մետր հեռավորության վրա: Եթե երկու խաչմերուկների միջև տարածությունը 100 մետրից պակաս է, ապա այդ հատվածում կանգառների տեղաբաշխումն արգելվում է:

6. Սիջքաղաքային և միջպետական ավտոբուսային կանոնավոր փոխադրումների երթուղիների սկզբնակետի և վերջնակետի կանգառների տեղաբաշխումն ավտոկայարաններից և ավտոկայաններից դուրս արգելվում է:»:

Հոդված 2. Սույն օրենքն ուժի մեջ է մտնում պաշտոնական հրապարակման պահից 6 ամիս հետո:

Հարգելի պարոն Թորոսյան

Ձեզ ենք ներկայացնում Հայաստանի Հանրապետության կառավարության եզրակացու-
թյունը Հայաստանի Հանրապետության Ազգային ժողովի պատգամավորներ Հրանուշ Հա-
կոբյանի, Կարեն Կարապետյանի, Նաիրա Ջոհրաբյանի, Հեղինե Բիշարյանի, Լիլիթ Գալստյանի
և Անահիտ Բախշյանի՝ օրենսդրական նախաձեռնության կարգով ներկայացրած
«Հեռուստատեսության և ռադիոյի մասին» Հայաստանի Հանրապետության օրենքում փո-
փոխություններ և լրացումներ կատարելու մասին», «Ազգային ժողովի կանոնակարգ» Հա-
յաստանի Հանրապետության օրենքում փոփոխություններ և լրացումներ կատարելու մասին»,
«Հեռուստատեսության և ռադիոյի ազգային հանձնաժողովի կանոնակարգ» Հայաստանի Հան-
րապետության օրենքում փոփոխություններ և լրացումներ կատարելու մասին» և «Պետական
տուրքի մասին» Հայաստանի Հանրապետության օրենքում լրացում կատարելու մասին»
Հայաստանի Հանրապետության օրենքների նախագծերի փաթեթի վերաբերյալ:

Օրենքների նախագծերի փաթեթով նախատեսվում է հեռուստատեսության և ռադիոյի
ազգային հանձնաժողովի և խորհրդի անդամների թափուր պաշտոնների համալրում՝
մրցույթային կարգով: Այդ առումով անհրաժեշտ է նկատի ունենալ Հայաստանի Հանրապետու-
թյան Սահմանադրության 83.2-րդ հոդվածի պահանջները, որոնց համաձայն «հեռարձակող
լրատվական միջոցների ազատության, անկախության և բազմազանության ապահովման նպա-
տակներից ելնելով՝ օրենքով ստեղծվում է անկախ կարգավորող մարմին, որի անդամների
կեսը վեց տարի ժամկետով ընտրվում է Ազգային ժողովի կողմից, իսկ մյուս կեսը նշանակվում է
Հանրապետության Նախագահի կողմից՝ վեց տարի ժամկետով»: Ներկայացված օրենքների
նախագծերի փաթեթի ընդունումը չի ապահովում Հայաստանի Հանրապետության Նախագահի
և Հայաստանի Հանրապետության Ազգային ժողովի՝ հանձնաժողովի անդամի թեկնածուի
ազատ ընտրության և նշանակման իրավունքը, ինչը հակասում է Հայաստանի
Հանրապետության Սահմանադրության 83.2-րդ հոդվածի դրույթներին և ընդունելի չէ:

Բացի այդ, անհրաժեշտ է նկատի ունենալ, որ Հայաստանի Հանրապետության Սահմա-
նադրությամբ նախատեսված պաշտոններում ուղղակի կամ անուղղակի նշանակումների,
ինչպես նաև ընտրությունների կատարման առանձնահատկություններն սպառիչ սահմանված
են Հայաստանի Հանրապետության Սահմանադրությամբ: Մասնավորապես, Վճռաբեկ
դատարանի և նրա պալատների նախագահների, դատավորների, վերաքննիչ, առաջին ատյանի
և մասնագիտացված դատարանների նախագահների, Հայաստանի Հանրապետության
վերահսկիչ պալատի նախագահի, Մարդու իրավունքների պաշտպանի, Հայաստանի

Հանրապետության կենտրոնական բանկի նախագահի, Հայաստանի Հանրապետության գլխավոր դատախազի, Արդարադատության խորհրդի կազմում Հայաստանի Հանրապետության Նախագահի և Հայաստանի Հանրապետության Ազգային ժողովի կողմից երկուական իրավաբան-գիտնականների նշանակումների ընթացակարգերի առանձնահատկությունները սահմանված են Հայաստանի Հանրապետության Սահմանադրությամբ:

Հայաստանի Հանրապետության Սահմանադրությամբ նախատեսված լիազորությունները չեն կարող սահմանափակվել օրենքներով: Համաձայն Հայաստանի Հանրապետության Սահմանադրության 62-րդ հոդվածի՝ Հայաստանի Հանրապետության Ազգային ժողովի լիազորությունները սահմանվում են միայն Հայաստանի Հանրապետության Սահմանադրությամբ, ինչից ուղղակիորեն բխում է, որ օրենքով լրացուցիչ լիազորություն սահմանվել կամ արդեն իսկ սահմանված լիազորության սահմանափակում նախատեսվել չի կարող:

Ընդ որում, եթե անգամ նշանակումների կարգը դիտարկենք որպես գործունեության կարգ, ինչը ևս չի կարող հիմնավորված համարվել, ապա միևնույն է Հայաստանի Հանրապետության Սահմանադրության 62-րդ հոդվածի համաձայն Ազգային ժողովի գործունեության կարգը կարող է սահմանվել բացառապես Հայաստանի Հանրապետության Սահմանադրությամբ կամ «Ազգային ժողովի կանոնակարգ» Հայաստանի Հանրապետության օրենքով:

Հարկ է նկատի ունենալ նաև, որ Հեռուստատեսության և ռադիոյի ազգային հանձնաժողովի և խորհրդի անդամներին պաշտոնի նշանակելիս Հայաստանի Հանրապետության Նախագահը կրում է քաղաքական պատասխանատվություն, ինչը կարող է հակադրվել մրցույթային կարգով պաշտոնում պարտադիր նշանակումներ կատարելու նորմին: Հայաստանի Հանրապետության Նախագահին իր հայեցողությամբ կարող է թափուր պաշտոնի համալրման նպատակով իր հրամանագրով կամ կարգադրությամբ ստեղծել հանձնաժողով և անցկացնել մրցույթ:

1. «Հեռուստատեսության և ռադիոյի մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի վերաբերյալ.

1. 2 –րդ հոդվածի՝

1) «բ» կետում «բառակապակցությունը» և «բառակապակցությամբ» բառերն անհրաժեշտ է համապատասխանաբար փոխարինել «բառերը» և «բառերով» բառերով.

2) «գ» կետում «անկողմնակալություն» և «բազմազանություն» բառերն անհրաժեշտ է համապատասխանաբար փոխարինել «անկողմնակալության» և «բազմազանության» բառերով:

2. 4-րդ հոդվածի՝

1) «ա» կետն իրավաչափ չէ: Անձը կարող է անզգուշությամբ կատարած հանցագործության համար ևս պատժվել անազատությամբ ուղեկցվող պատժատեսակով, օրինակ՝ կալանքով (Հայաստանի Հանրապետության քրեական օրենսգրքի 120-րդ, 121-րդ և այլ հոդվածներ), ինչը

և բացառում է խորհրդի անդամի պաշտոնավարումը: Ընդունելի չէ պաշտոնավարումը բացառող հանգամանք համարել հանցակազմի սուբյեկտիվ կողմը կամ պատժատեսակը:

2) «բ» կետում «խմբագրությամբ» բառն անհրաժեշտ է փոխարինել «բովանդակությամբ» բառով:

3) «գ» կետը հանել՝ հաշվի առնելով եզրակացության 1-ին մասի երրորդ պարբերությունը: Այդ կապակցությամբ անհրաժեշտ է համապատասխան փոփոխություն կատարել նախագծի 10-րդ հոդվածում:

3. 5-րդ հոդվածի «գ» կետն անհրաժեշտ է խմբագրել՝ նկատի ունենալով, որ «Իրավական ակտերի մասին» Հայաստանի Հանրապետության օրենքի 70-րդ հոդվածի համաձայն նախադասությունները հանվում են, այլ ոչ թե ուժը կորցրած ճանաչվում:

4. 7-րդ հոդվածի 1-ին մասն ընթացակարգային առումով անհրաժեշտ է խմբագրել և համապատասխանեցնել «Բյուջետային համակարգի մասին» Հայաստանի Հանրապետության օրենքով նախատեսված գործընթացին: Հիմնավորման կարիք ունի «նախորդ տարվա համեմատ բյուջեի եկամտային մասի աճին համամասնորեն ավելացող գումարից ոչ պակաս հատկացումներ» դրույթը:

5. 10-րդ հոդվածը խմբագրել:

6. 12-րդ հոդվածի՝

1) «ա» կետով նախատեսված 41-րդ հոդվածի վերնագրի նոր խմբագրությունում «անդամները» բառն անհրաժեշտ է փոխարինել «անդամներին ներկայացվող պահանջները» բառերով:

2) «դ» կետի ընդունումը կավելացնի Հայաստանի Հանրապետության պետական բյուջեի ծախսերը:

7. 16-րդ հոդվածի՝

1) «ա» կետում անհրաժեշտ է «բովանդակությամբ» բառը փոխարինել «խմբագրությամբ» բառով և «արտոնագիր» բառից առաջ լրացնել «հեռուստառադիոհաղորդումների հեռարձակման» բառերով:

2) «բ» կետը հանել:

II. «Ազգային ժողովի կանոնակարգ» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի վերաբերյալ.

1. 1-ին հոդվածում առաջարկվող լրացումը համարակալել հերթական «ժէ.1» կամ «իբ» կետով:

2. 2-րդ հոդվածի՝

1) «ա» կետում «կետի» բառն անհրաժեշտ է փոխարինել «մասի» բառով, իսկ «մասի» բառը՝ «կետի» բառով:

2) «բ» կետի՝

ա. 8-րդ պարբերությունում՝

- պարզաբանման և հստակեցման կարիք ունի «հասարակական մասնագիտական կազմակերպություն» հասկացությունը, քանի որ այդպիսի կազմակերպություններ Հայաստանի Հանրապետության օրենսդրությամբ նախատեսված չեն,

- նախատեսված երաշխավորություններին վերաբերվող դրույթն առաջարկում ենք հանել: Բացի դրանից, «օրենսդրությամբ» բառն անհրաժեշտ է փոխարինել «օրենքով» բառով, քանի որ հասարակական կազմակերպությունները գրանցվում են «Հասարակական կազմակերպությունների մասին» Հայաստանի Հանրապետության օրենքով սահմանված կարգով,

բ. 11-րդ պարբերությունը «դիմել է» բառերից հետո անհրաժեշտ է լրացնել «առնվազն» բառով,

գ. 14-րդ պարբերության «գ» կետում «մասին» բառն անհրաժեշտ է փոխարինել «կանոնակարգ» բառով,

դ. վերջին պարբերությունը «երկու» բառից հոտո լրացնել «անգամ» բառով:

III. «Հեռուստատեսության և ռադիոյի ազգային հանձնաժողովի կանոնակարգ» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի վերաբերյալ.

1-ին հոդվածում «ավելացնել» բառն անհրաժեշտ է փոխարինել «լրացնել» բառով:

IV. «Պետական տուրքի մասին» Հայաստանի Հանրապետության օրենքում լրացում կատարելու մասին» Հայաստանի Հանրապետության օրենքի նախագծի վերաբերյալ.

«Պետական տուրքի մասին» Հայաստանի Հանրապետության օրենքի 19-րդ հոդվածի 9-րդ («Հեռահաղորդակցության բնագավառ») բաժնում արդեն իսկ նախատեսված են հեռուստառադիոհաղորդումների հեռարձակման համար պետական տուրքեր, ուստի հստակեցման կարիք ունի նախագծով առաջարկվող լրացման նպատակը: Առաջարկվող լրացումն անհրաժեշտ է կատարել 9-րդ բաժնում:

Նախագծերի՝

1) 1-ին հոդվածներն անհրաժեշտ է խմբագրել՝ համապատասխանեցնելով «Իրավական ակտերի մասին» Հայաստանի Հանրապետության օրենքի 39-րդ հոդվածի 2-րդ մասի պահանջներին.

2) վերջին հոդվածներում «պաշտոնական հրապարակմանը հաջորդող տասներորդ օրվանից» բառերն անհրաժեշտ է փոխարինել «պաշտոնական հրապարակման օրվան հաջորդող տասներորդ օրը» բառերով.

3) հոդվածների համարակալումն անհրաժեշտ է վերանայել, համապատասխանեցնելով այն «Իրավական ակտերի մասին» Հայաստանի Հանրապետության օրենքի 41-րդ հոդվածի 3-րդ մասի պահանջներին, որոնց համաձայն Հայաստանի Հանրապետության օրենքների հոդվածները բաժանվում են «մասեր» կոչվող միայն համարակալված պարբերությունների: Հոդվածների մասերը կարող են բաժանվել միայն համարակալված կետերի, կետերը՝ միայն համարակալված ենթակետերի: Հոդվածները, մասերը և կետերը համարակալվում են

արաբական թվանշաններով: Հողվածների ենթակետերը համարակալվում են հայերենի այբուբենի փոքրատառերով: Հողվածների և մասերի համարները տեքստից բաժանվում են միջակետով, իսկ հողվածների կետերի համարները՝ փակագծերով: Հողվածի ենթակետի՝ հայերենի այբուբենի փոքրատառերով նշված համարները տեքստից բաժանվում են միջակետերով:

Ելնելով վերը նշվածից՝ Հայաստանի Հանրապետության կառավարությունը դեմ է ներկայացված տեսքով նախագծերի փաթեթի ընդունմանը:

Միաժամանակ հայտնում ենք, որ ներկայացված օրենքների նախագծերի փաթեթը Հայաստանի Հանրապետության Ազգային ժողովում քննարկելիս հարակից զեկուցմամբ հանդես կգա Հայաստանի Հանրապետության արդարադատության նախարար Գ. Դանիելյանը:

ՏԻԳՐԱՆ ՍԱՐԳՍՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

«ՀԵՌՈՒՄՏԱՏԵՈՒԹՅԱՆ ԵՎ ՌԱԴԻՈՅԻ ՄԱՍԻՆ» ՀՀ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՀՈՂՎԱԾ 1. «Հեռուստատեսության և ռադիոյի մասին» ՀՀ օրենքի (9 հոկտեմբերի, 2000թ. ին, ՀՕ-97) 3-րդ հոդվածը լրացնել նոր մասով հետևյալ բովանդակությամբ՝

«Փոխկապակցված անձիք՝ ամուսիններ, ծնողներ, երեխաներ, քույրեր, եղբայրներ»:

ՀՈՂՎԱԾ 2. Օրենքի 28-րդ հոդվածի՝

ա) 1-ին մասի 2-րդ նախադասությունը շարադրել հետևյալ խմբագրությամբ.

«Մարդու սահմանադրական իրավունքն ապահովելու համար պետությունը ստեղծում է անկախ հանրային հեռուստառախոյրնկերություն, այսինքն ապահովում է տեղեկատվական, քաղաքական, տնտեսական, կրթական, մշակութային, մանկապատանեկան, գիտական, հայոց լեզվի և պատմության, մարզական, ժամանցային և հանրության համար կարևոր ու նշանակալից այլ տեղեկատվական բնույթի հաղորդումների բազմազանություն և գործում է սույն օրենքի, իր կանոնակարգի և Հայաստանի Հանրապետության օրենսդրությանը համապատասխան.

բ) 4-րդ մասի «խորհրդարանական ժամ» բառակապակցությունը փոխարինել «խորհրդարանական շաբաթ» բառակապակցությամբ.

գ) 5-րդ մասը «անկողմնակալություն» բառից հետո լրացնել «բազմազանություն» բառը.

դ) 6-րդ մասի «ա» կետն ուժը կորցրած ճանաչել.

ե) 10-րդ մասը «թողարկում» բառից հետո լրացնել «՝ առավոտյան և երեկոյան» բառերը:

ՀՈՂՎԱԾ 3. Օրենքի 29-րդ հոդվածի՝

ա) 5-րդ մասի «հայոց լեզվին» բառերը փոխարինել «հայերենին» բառով.

բ) 6-րդ մասը լրացնել հետևյալ բովանդակությամբ «ե» կետով՝

«ե) դատապարտվել է հանցագործության համար, և դատվածությունը սահմանված կարգով հանված կամ մարված չէ»:

ՀՈՂՎԱԾ 4. Օրենքի 31-րդ հոդվածի՝

ա) 3-րդ մասի «դ» կետը շարադրել հետևյալ խմբագրությամբ.

«դ) դատապարտվել է դիտավորությամբ կատարված հանցագործության համար կամ դատապարտվել է ազատազրկման անզգուշությամբ կատարված հանցագործության համար»:

բ) 3-րդ մասը լրացնել «է» կետով՝ հետևյալ խմբագրությամբ.

«է) դատարանի վճռով ճանաչվել է անգործունակ»:

գ) 5-րդ մասը շարադրել հետևյալ խմբագրությամբ.

«Խորհրդում թափուր տեղ առաջանալու դեպքում Խորհրդի նախագահը գրավոր տեղեկացնում է Հանրապետության Նախագահին, որը մեկշաբաթյա ժամկետում ստեղծում է 7 անդամից բաղկացած ժամանակավոր մրցութային հանձնաժողով:

Մրցութային հանձնաժողովի անդամները կարող են լինել գիտության, կրթության, մշակույթի, լրագրության բնագավառների հեղինակավոր գործիչներ և (կամ) գիտության, կրթության, մշակույթի, լրագրության, իրավագիտության, հեռահաղորդակցության բնագավառներով զբաղվող կազմակերպությունների ներկայացուցիչներ:

Հայաստանի Հանրապետության պետական ծառայողները չեն կարող ընդգրկվել մրցութային հանձնաժողովի կազմում:

Մրցութային հանձնաժողովն իր կազմից ընտրում է նախագահ և քարտուղար:

Թեկնածուների առաջադրման համար սահմանվում է առնվազն 10-օրյա ժամկետ:

Թեկնածուներն առաջադրվում են ինքնաառաջադրմամբ և պետք է ներկայացնեն առնվազն երեք հասարակական մասնագիտական կազմակերպության երաշխավորություն, որոնք ՀՀ օրենսդրությամբ սահմանված կարգով գրանցված են և գործում են առնվազն հինգ տարի:

Մրցութային հանձնաժողովը մրցույթ անցկացնելու մասին հայտարարությունը հրապարակում է մրցույթն անցկացնելուց ոչ ուշ, քան մեկ ամիս առաջ՝ առնվազն երեք հազար տպաքանակ ունեցող մամուլի և զանգվածային լրատվության այլ միջոցներով:

Մրցութային հանձնաժողովը քաղաքացուն չի թույլատրում մասնակցել մրցույթի, եթե նա չի բավարարում սույն օրենքի 29-րդ հոդվածով սահմանված պահանջներին կամ առկա է սույն օրենքի 31-րդ հոդվածով նախատեսված հիմքերից որևէ մեկը: Մրցույթն անցկացվում է, եթե մրցույթի համար դիմել է մեկ մասնակից:

Մրցույթն անցկացվում է երկու փուլով՝ թեստավորման և հարցազրույցի:

Թեստավորումը կարող է անցկացվել համակարգչի միջոցով կամ գրավոր:

Թեստերը կազմում է մրցութային հանձնաժողովը՝ մասնակիցների գիտելիքները ստուգելու համար՝

ա) Հայաստանի Հանրապետության Սահմանադրության,

բ) «Հեռուստատեսության և ռադիոյի մասին» ՀՀ օրենքի

գ) «Հեռուստատեսության և ռադիոյի ազգային հանձնաժողովի մասին» ՀՀ օրենքի իմացությունը:

Համակարգչում զետեղված հարցաշարը ոչ ուշ քան մրցույթն անցկացնելուց մեկ ամիս առաջ, պետք է հրապարակվի:

Թեստում յուրաքանչյուր հարց պետք է ունենա 3-4 ենթադրյալ պատասխան: Յուրաքանչյուր հարց պետք է ունենա մեկ միանշանակ ճիշտ պատասխան:

Հարցազրույցի փուլին իրավունք են ստանում մասնակցել թեստավորման առաջադրանքների առնվազն 90%-ին ճիշտ պատասխանած մասնակիցները:

Մասնակիցների հետ հարցազրույց անցկացվում է գիտության, կրթության, մշակույթի, լրագրության բնագավառների, դրանց հիմնախնդիրներին ուղղված հեռուստատեսային ծրագրերի ստեղծման, լուսաբանման ուղղությամբ:

Մրցութային հանձնաժողովը հարցազրույցի արդյունքում յուրաքանչյուր մասնակցի համար անցկացնում է քվեարկություն:

Մրցութային հանձնաժողովի անդամը քվեարկում է կողմ կամ դեմ և քվեարկության մասնակցած անդամների կեսից ավելին կողմ ձայներ հավաքածներից առավելագույն ձայներ աստացած թեկնածուն ճանաչվում է մրցույթում հաղթած:

Մրցույթի արդյունքները հրապարակվում է մրցույթն անցկացնելուց հետո՝ նույն օրը:

Մրցույթի արդյունքները կարող է բողոքարկվել դատական կարգով:

Մրցույթի արդյունքների հրապարակումից անմիջապես հետո մրցույթի արդյունքում հաղթող ճանաչված մասնակցի վերաբերյալ եզրակացությունը մրցութային հանձնաժողովի նախագահը ներկայացնում է գրավոր Հանրապետության Նախագահին:

Նախագահը մրցույթի արդյունքների հիման վրա, 7-օրյա ժամկետում հաղթած թեկնածուին հրամանագրով նշանակվում է համապատասխան պաշտոնում:

Եթե մրցույթի արդյունքով ոչ ոք չի ճանաչվել հաղթող (թեստավորման փուլում, ապա հարցազրույցի ժամանակ) ապա անցկացվում է նոր մրցույթ:

Եթե մրցութային հանձնաժողովն իրավագոր չէ (նիստին չեն մասնակցում կեսից ավելին) ապա մրցույթը համարվում է չկայացած և անցկացվում է կրկնակի մրցույթ:

Կրկնակի մրցույթի ժամանակ մրցույթին մասնակցելու համար նոր դիմումներ չեն ընդունվում և անցկացվում է մրցույթ 10-օրյա ժամկետում ընդհանուր հիմունքներով:

Եթե մրցույթին մասնակցելու համար ոչ մի դիմում չի ներկայացվել, կամ ներկայացված դիմումներում առկա են սույն օրենքի 29-րդ, 31-րդ հոդվածներով սահմանված հիմքերից որևէ մեկը, ինչպես նաև մրցույթին մասնակցելու համար դիմում ներկայացրած անձանցից ոչ մեկը չի ներկայացել, ապա մրցույթը համարվում է չկայացած և անցկացվում է նոր մրցույթ:

Սույն հոդվածով սահմանված կարգի խախտմամբ անցկացված մրցույթն անվավեր է ճանաչվում դատական կարգով:

Նոր մրցույթ է անցկացվում նաև մրցույթն անվավեր ճանաչելու դեպքում՝ ընդհանուր հիմունքներով:

դ) 6-րդ, 7-րդ, 8-րդ և 9-րդ մասերը ուժը կորցրած ճանաչել:»:

ՀՈՂՎԱԾ 5. Օրենքի 32-րդ հոդվածի՝

ա) 1-ին մասի «դ» կետը «կարգը» բառից հետո լրացնել «և ուղղությունները» բառերը:

բ) 1-ին մասի «ը» կետից հետո լրացնել նոր «ը՝» կետ հետևյալ բովանդակությամբ.

«ը՝) Հանրային հեռուստաընկերության և Հանրային ռադիոընկերության գործադիր տնօրենները պաշտոնի են նշանակվում և պաշտոնից ազատվում են Խորհրդի ձայների երկու երրորդով»:

գ) 3-րդ մասի 1-ին նախադասությունն ուժը կորցրած ճանաչել:

ՀՈՂ-ՎԱԾ 6. Օրենքի 33-րդ հոդվածի

ա) 2-րդ մասի «ե» կետում «երկրում» բառը փոխարինել «Հայաստանի Հանրապետությունում» բառերով.

բ) 3-րդ մասն ուժը կորցրած ճանաչել:

ՀՈՂ-ՎԱԾ 7. Օրենքի 35-րդ հոդվածը շարադրել հետևյալ խմբագրությամբ.

«Պետությունը յուրաքանչյուր տարի Հայաստանի Հանրապետության պետական բյուջեի ծախսային մասում Հանրային Հեռուստառադիոընկերության համար նախատեսում է նախորդ տարվա համեմատ բյուջեի եկամտային մասի աճին համամասնորեն ավելացող գումարից ոչ պակաս հատկացումներ: Այդ հատկացումները պետք է ապահովեն օրենքում ամրագրված՝ Խորհրդի լիազորությունների իրականացումը:

Խորհուրդը յուրաքանչյուր տարի կազմում է հաջորդ տարվա՝ Հանրային հեռուստառադիոընկերության ծախսերի նախահաշիվը /բյուջեն/՝ առանձին տողով նշելով Խորհրդի, Հանրային հեռուստառադիոընկերության և Հանրային ռադիոընկերությանը հատկացվելիք գումարները, և ներկայացնում է Հայաստանի Հանրապետության կառավարություն, վերջինս էլ դրանք ներկայացնում է Հայաստանի Հանրապետության Ազգային ժողովի հաստատմանը:»:

ՀՈՂ-ՎԱԾ 8. Օրենքի 36-րդ հոդվածի 1-ին մասում «մարտի 1-ը» բառերը փոխարինել «մայիսի 1-ը» բառերով, «և ֆինանսական» բառերը փոխարինել «, ֆինանսական, ինչպես նաև բոլոր քաղաքական ուժերին հատկացված եթերաժամանակի» բառերով:

ՀՈՂ-ՎԱԾ 9. Օրենքի 37-րդ հոդվածի 1-ին մասը շարադրել հետևյալ խմբագրությամբ.

«Հեռուստատեսության և ռադիոյի ազգային հանձնաժողովը (այսուհետ՝ Ազգային հանձնաժողով) կարգավորող անկախ մարմին է, որի նպատակն է ապահովել հեռարձակվող լրատվության միջոցների ազատությունը, անկախությունը և բազմազանությունը, օրենսդրությամբ սահմանված կարգով լիցենզավորումը, ինչպես նաև հեռուստառադիոընկերությունների և ռադիոընկերությունների, այդ թվում Հանրային հեռուստառադիոընկերության գործունեության վերահսկումը»:

ՀՈՂ-ՎԱԾ 10. Օրենքի 39-րդ հոդվածի տեքստը շարադրել հետևյալ խմբագրությամբ.

«Ազգային հանձնաժողովն անկախ կարգավորող պետական մարմին է, որի անդամների կեսը վեց տարի ժամկետով ընտրվում է Ազգային ժողովի կողմից՝ մրցութային կարգով, իսկ մյուս կեսը նշանակվում է Հանրապետության Նախագահի կողմից՝ մրցութային կարգով վեց տարի ժամկետով, բացառությամբ առաջին կազմի: Առաջին կազմի նշանակման ժամկետները սահմանված են սույն օրենքի անցումային դրույթներում:

Ազգային հանձնաժողովում թափուր տեղի առկայության դեպքում թափուր տեղում նշանակումը կամ ընտրությունը կատարվում են Սահմանադրության 83.2 հոդվածին համապատասխան, այնպես, որ անդամների կեսը ընտրված լինի Ազգային ժողովի կողմից, իսկ մյուս կեսը նշանակված լինի Հանրապետության Նախագահի կողմից:

Ազգային հանձնաժողովում թափուր տեղեր առաջանալու դեպքում Ազգային հանձնաժողովի նախագահին այդ մասին հայտնում է համապատասխանաբար Հանրապետության Նախագահին կամ Հայաստանի Հանրապետության Ազգային ժողովի նախագահին:

Ազգային ժողովը հանձնաժողովի անդամի ընտրությունը կատարում է Ազգային ժողովի որոշմամբ՝ «Ազգային ժողովի կանոնակարգ» Հայաստանի Հանրապետության օրենքով սահմանված կարգով:

Հանրապետության Նախագահի կողմից նշանակվող հանձնաժողովի անդամի թափուր տեղի առկայության դեպքում Հանրապետության Նախագահը մեկշաբաթյա ժամկետում ստեղծում է 7 անդամից բաղկացած ժամանակավոր մրցութային հանձնաժողով:

Մրցութային հանձնաժողովի անդամները կարող են լինել գիտության, կրթության, մշակույթի, լրագրության բնագավառների հեղինակավոր գործիչներ և (կամ) գիտության, կրթության, մշակույթի, լրագրության, իրավագիտության, հեռահաղորդակցության բնագավառներով զբաղվող կազմակերպությունների ներկայացուցիչներ:

Հայաստանի Հանրապետության պետական ծառայողները չեն կարող ընդգրկվել մրցութային հանձնաժողովի կազմում:

Մրցութային հանձնաժողովն իր կազմից ընտրում է նախագահ և քարտուղար:

Թեկնածուների առաջադրման համար սահմանվում է առնվազն 10-օրյա ժամկետ:

Թեկնածուներն առաջադրվում են ինքնաառաջադրմամբ և պետք է ներկայացնեն առնվազն երեք հասարակական մասնագիտական կազմակերպության երաշխավորություն, որոնք ՀՀ օրենսդրությամբ սահմանված կարգով գրանցված են և գործում են առնվազն հինգ տարի:

Մրցութային հանձնաժողովը մրցույթ անցկացնելու մասին հայտարարությունը հրապարակում է մրցույթն անցկացնելուց ոչ ուշ, քան մեկ ամիս առաջ՝ առնվազն երեք հազար տպաքանակ ունեցող մամուլի և զանգվածային լրատվության այլ միջոցներով:

Մրցութային հանձնաժողովը քաղաքացուն չի թույլատրում մասնակցել մրցույթի, եթե նա չի բավարարում սույն օրենքի 41-րդ հոդվածով սահմանված պահանջներին կամ առկա է սույն օրենքի 45-րդ հոդվածով նախատեսված հիմքերից որևէ մեկը: Մրցույթն անցկացվում է, եթե մրցույթի համար դիմել է մեկ մասնակից:

Մրցույթն անցկացվում է երկու փուլով՝ թեստավորման և հարցազրույցի:

Թեստավորումը կարող է անցկացվել համակարգչի միջոցով կամ գրավոր:

Թեստերը կազմում է մրցութային հանձնաժողովը՝ մասնակիցների գիտելիքները ստուգելու համար՝

ա) Հայաստանի Հանրապետության Սահմանադրության,

բ) «Հեռուստատեսության և ռադիոյի մասին» ՀՀ օրենքի,

գ) «Հեռուստատեսության և ռադիոյի ազգային հանձնաժողովի մասին» ՀՀ օրենքի իմացությունը:

Համակարգչում զետեղված հարցաշարը ոչ ուշ քան մրցույթն անցկացնելուց մեկ ամիս առաջ, պետք է հրապարակվի:

Թեստում յուրաքանչյուր հարց պետք է ունենա 3-4 ենթադրյալ պատասխան: Յուրաքանչյուր հարց պետք է ունենա մեկ միանշանակ ճիշտ պատասխան:

Հարցազրույցի փուլին իրավունք են ստանում մասնակցել թեստավորման առաջադրանքների առնվազն 90%-ին ճիշտ պատասխանած մասնակիցները:

Մասնակիցների հետ հարցազրույց անցկացվում է գիտության, կրթության, մշակույթի, լրագրության բնագավառների, դրանց հիմնախնդիրներին ուղղված հեռուստատեսային ծրագրերի ստեղծման, լուսաբանման ուղղությամբ:

Մրցութային հանձնաժողովը հարցազրույցի արդյունքում յուրաքանչյուր մասնակցի համար անցկացնում է քվեարկություն:

Մրցութային հանձնաժողովի անդամը քվեարկում է կողմ կամ դեմ և քվեարկության մասնակցած անդամների կեսից ավելին կողմ ձայներ հավաքածներից առավելագույն ձայներ ստած թեկնածուն ճանաչվում է մրցույթում հաղթած:

Մրցույթի արդյունքները հրապարակվում է մրցույթն անցկացնելուց հետո՝ նույն օրը:

Մրցույթի արդյունքները կարող է բողոքարկվել դատական կարգով:

Մրցույթի արդյունքների հրապարակումից անմիջապես հետո մրցույթի արդյունքում հաղթող ճանաչված մասնակցի վերաբերյալ եզրակացությունը մրցութային հանձնաժողովի նախագահը ներկայացնում է գրավոր Հանրապետության Նախագահին:

Նախագահը մրցույթի արդյունքների հիման վրա, 7-օրյա ժամկետում հաղթած թեկնածուին հրամանագրով նշանակվում է համապատասխան պաշտոնում:

Եթե մրցույթի արդյունքով ոչ ոք չի ճանաչվել հաղթող (թեստավորման փուլում, ապա հարցազրույցի ժամանակ) ապա անցկացվում է նոր մրցույթ:

Եթե մրցութային հանձնաժողովն իրավագոր չէ (նիստին չեն մասնակցում կեսից ավելին) ապա մրցույթը համարվում է չկայացած և անցկացվում է կրկնակի մրցույթ:

Կրկնակի մրցույթի ժամանակ մրցույթին մասնակցելու համար նոր դիմումներ չեն ընդունվում և անցկացվում է մրցույթ 10-օրյա ժամկետում ընդհանուր հիմունքներով:

Եթե մրցութային մասնակցելու համար ոչ մի դիմում չի ներկայացվել, կամ ներկայացված դիմումներում առկա են սույն օրենքի 41-րդ, 45-րդ հոդվածներով սահմանված հիմքերից որևէ մեկը, ինչպես նաև մրցութային մասնակցելու համար դիմում ներկայացրած անձանցից ոչ մեկը չի ներկայացել, ապա մրցույթը համարվում է չկայացած և անցկացվում է նոր մրցույթ:

Սույն հոդվածով սահմանված կարգի խախտմամբ անցկացված մրցույթն անվավեր է ճանաչվում դատական կարգով:

Նոր մրցույթ է անցկացվում նաև մրցույթն անվավեր ճանաչելու դեպքում՝ ընդհանուր հիմունքներով:

Ազգային հանձնաժողովի անդամ նշանակողի (ընտրողի) կողմից Ազգային հանձնաժողովում իր կողմից նշանակվելիք հերթական անդամին չնշանակելը (չընտրելը) հիմք չէ Ազգային հանձնաժողովի մյուս անդամ նշանակողի (ընտրողի)՝ իր նշանակմանը (ընտրմանը) ենթակա հաջորդ թափուր տեղի համար անդամ չնշանակելու (չընտրելու) համար:

Ազգային հանձնաժողովն իր կազմից ընտրում է նախագահ և նախագահի տեղակալ:

Նույն անձը չի կարող ավել քան երկու անընդմեջ նշանակվել Ազգային հանձնաժողովի անդամ:»:

ՀՈՂ-ՎԱԾ 11. Օրենքի 40-րդ հոդվածը շարադրել հետևյալ խմբագրությամբ.

«Ազգային հանձնաժողովը մինչև յուրաքանչյուր տարվա մայիսի 1-ը Ազգային ժողով է ներկայացնում Ազգային հանձնաժողովի նախորդ տարվա գործունեության մասին հեղորդում: Հաղորդումը ԱԺ է ներկայացնում Հանձնաժողովի նախագահը կամ նրա բացակայության դեպքում՝ տեղակալը: Հաղորդումը ԱԺ-ում քննարկվում է «ԱԺ կանոնակարգ» ՀՀ օրենքով սահմանված կարգով և ընդունվում է ի գիտություն:

Ազգային հանձնաժողովը իր հաղորդումը հրապարարակում է մամուլում:»:

ՀՈՂ-ՎԱԾ 12. Օրենքի 41-րդ հոդվածի՝

ա) վերնագիրը շարադրել հետևյալ խմբագրությամբ.

«Ազգային հանձնաժողովի անդամները, նրանց վարձատրության կարգը».

բ) 1-ին մասի «ունի բարձրագույն կրթություն, տիրապետում է հայոց լեզվին» բառերը փոխարինել «բարձրագույն կրթություն և տիրապետում է հայերենին» բառերով.

գ) 2-րդ մասը լրացնել հետևյալ բովանդակությամբ «ո» կետով՝

«ո» դատապարտվել է և դատվածությունը սահմանված կարգով հանված կամ մարված չէ.»:

դ) 5-րդ մասը շարադրել հետևյալ խմբագրությամբ.

«Ազգային հանձնաժողովի անդամներն իրենց աշխատանքները իրականացնում են վճարովի հիմունքներով:»:

ՀՈՂ-ՎԱԾ 13. Օրենքի 42-րդ հոդվածի՝

ա) 1-ին մասի «օրենսդրությամբ» բառը փոխարինել «իրավական այլ ակտերով» բառերով.

բ) 3-րդ մասում «սկզբունքներն են» բառերից հետո լրացնել «օրինականությունը, ժողովրդավարությունը» բառերը:

ՀՈՂ-ՎԱԾ 14 . Օրենքի 45-րդ հոդվածի՝

ա) 1-ին մասի «բ» կետը շարադրել հետևյալ խմբագրությամբ՝

«բ» ընտրվել կամ նշանակվել է որևէ այլ պաշտոնի».

բ) 1-ին մասի «ո» կետը շարադրել հետևյալ խմբագրությամբ.

«ո» դատապարտվել է դիտավորությամբ կատարված հանցագործության համար կամ դատապարտվել է ազատազրկման անգործությամբ կատարված հանցագործության համար:».

գ) ուժը կորցրած ճանաչել 4-րդ, 5-րդ, 6-րդ և 7-րդ մասերը:

ՀՈՂ-ՎԱՃ 15. Օրենքի 46-րդ հոդվածի՝

ա) 2-րդ մասի « տեղակալը» բառից հետո լրացնել «անդամները» բառով.

բ) 2-րդ մասի վերջում լրացնել «և (կամ) նրանց փոխկապակցված անձինք» բառերը:

ՀՈՂ-ՎԱՃ 16. Օրենքի 53-րդ հոդվածի՝

ա) 1-ին մասը շարադրել հետևյալ բովանդակությամբ.

«Արտոնատիրոջ իրավունք ստացած իրավաբանական անձին Ազգային հանձնաժողովն արտոնագիր (լիցենզիա) է տալիս օրենքով սահմանված կարգով պետական տուրք մուծելուց հետո՝ 10-օրյա ժամկետում».

բ) Լրացնել նոր մաս՝ հետևյալ բովանդակությամբ.

«Հեռարձակաման հաճախությունն օգտագործելու համար արտոնագրատերը մուծում է տարեկան եթերավճար կախված տեխնիկական նախագծով նախատեսված հաղորդակների քանակից և հեռարձակվող հզորությունից.

Ռադիոհաղորդիչ կայաններ 30 ՄՀց 300 ՄՀց հաճախային տիրույթում, հատկացված մեկ հաճախության համար, ըստ հաղորդիչների ճառագայթման հզորությունների	
- մինչև 100 Վտ ներառյալ	300 000
- 101 Վտ 500 Վտ ներառյալ	600 000
- 501 Վտ 1000 Վտ ներառյալ	900 000
- 1 ԿՎտ-ից բարձր	1 200 000 դրամ:
Հեռուստատեսային հաղորդիչ կայաններ մետրային և դեցիմետրային տիրույթներում հատկացված մեկ հաճախության կապուղու համար ըստ զբաղեցրած հաճախության գոտու, հաստատված գործակցի և բնակչության թվաքանակի (հաշվարկը 1 մլն. բնակչի համար)	800 000
Հեռուստատեսային և ռադիոհաղորդումների ընդունիչ համակարգի բաշխիչ ցանցերը եթերային-կաբելային հեռուստատեսության համակարգեր, մեկ հաճախային կապուղու համար, ըստ հաղորդչի 1 Վտ հզորության	15 000

ՀՈՂՎԱԾ 17. Սույն օրենքն ուժի մեջ է մտնում պաշտոնական հրապարակմանը հաջորդող տասներորդ օրվանից:

նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

«ԱԶԳԱՅԻՆ ԺՈՂՈՎԻ ԿԱՆՈՆԱԿԱՐԳ» ՀՀ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ ՄԱՍԻՆ

ՀՈՂՎԱԾ 1. «Ազգային ժողովի կանոնակարգ» Հայաստանի Հանրապետության օրենքի (26 փետրվարի 2007թվական, ՀՕ- 308, այսուհետև՝ օրենք) 18-րդ հոդվածի 1-ին մասը «Ժէ» կետից հետո լրացնել նոր «Ժէ» կետով, հետևյալ բովանդակությամբ՝

«Ժէ) Ազգային ժողովի նիստում հայտարարում է հեռարձակման անկախ կարգավորող մարմնի անդամի թափուր տեղի մասին, դիմում խմբակցություններին՝ անդամի ընտրության մրցութային հանձնաժողովի թեկնածուների առաջադրման առաջարկով և դրանց հիման վրա ձևավորում մրցութային հանձնաժողով.»:»:

ՀՈՂՎԱԾ 2. Օրենքի 97-րդ հոդվածի՝

ա) 1-ին կետի 2-րդ մասի առաջին նախադասությունը շարադրել հետևյալ խմբագրությամբ՝

«Սահմանադրության 83-րդ հոդվածի 4-րդ կետին համապատասխան՝ պաշտոնում ընտրելու համար թեկնածուի առաջադրման իրավունքը պատկանում է խմբակցություններին և պատգամավորական խմբերին»:

բ) 1-ին կետը լրացնել 3-րդ մասով՝ հետևյալ բովանդակությամբ. «Սահմանադրության 83.2 հոդվածի համապատասխան հեռարձակվող լրատվության միջոցների ազատության, անկախության և բազմազանության նպատակներից ելնելով՝ օրենքով ստեղծվող անկախ կարգավորող մարմնի անդամների կեսը վեց տարի ժամկետով ընտրում է Ազգային ժողովը:

Ազգային հանձնաժողովում թափուր տեղի առկայության դեպքում թափուր տեղում ընտրությունը կատարվում է Սահմանադրության 83.2 հոդվածին համապատասխան, այնպես, որ անդամների կեսը ընտրված լինի Ազգային ժողովի կողմից, իսկ մյուս կեսը նշանակված լինի Հանրապետության Նախագահի կողմից:

Ազգային հանձնաժողովում թափուր տեղ առաջանալու դեպքում Ազգային հանձնաժողովի նախագահն այդ մասին հայտնում է Ազգային ժողովի նախագահին:

Ազգային ժողովի նախագահը, Ազգային հանձնաժողովի նախագահի կողմից անկախ կարգավորող մարմնի անդամների թեկնածություններն առաջադրելու համար Ազգային ժողովի նախագահի կողմից 7-օրյա ժամկետում ձևավորում է մրցութային հանձնաժողով:

Մրցութային հանձնաժողովի կազմում յուրաքանչյուր խմբակցություն, պատգամավորական խումբ առաջարկում է մեկական, իսկ խորհրդարանական ընդիմությունը երկու թեկնածու: Մրցութային հանձնաժողովի կազմում առաջադրվում են գիտության, կրթության, մշակույթի, լրագրության բնագավառների հեղինակավոր գործիչներ և (կամ) գիտության, կրթության, մշակույթի, լրագրության, իրավագիտության, հեռահաղորդակցության բնագավառներով զբաղվող կազմակերպությունների ներկայացուցիչներ:

Հայաստանի Հանրապետության պետական ծառայողները չեն կարող ընդգրկվել մրցութային հանձնաժողովի կազմում:

Մրցութային հանձնաժողովն իր կազմից ընտրում է հանձնաժողովի նախագահ և քարտուղար:

Թեկնածուների առաջադրման համար սահմանվում է առնվազն 10-օրյա ժամկետ: Թեկնածուներն առաջադրվում են ինքնաառաջադրմամբ և պետք է ներկայացնեն առնվազն երեք հասարակական մասնագիտական կազմակերպության երաշխավորություն, որոնք ՀՀ օրենսդրությամբ սահմանված կարգով գրանցված են և գործում են առնվազն հինգ տարի:

Մրցութային հանձնաժողովը մրցույթ անցկացնելու մասին հայտարարությունը հրապարակում է մրցույթն անցկացնելուց ոչ ուշ, քան մեկ ամիս առաջ՝ առնվազն երեք հազար տպաքանակ ունեցող մամուլի և զանգվածային լրատվության այլ միջոցներով:

Մրցութային հանձնաժողովը քաղաքացուն չի թույլատրում մասնակցել մրցույթի, եթե նա չի բավարարում «Հեռուստատեսության և ռադիոյի մասին» ՀՀ օրենքի 41-րդ հոդվածով սահմանված պահանջներին կամ առկա է այդ օրենքի 45-րդ հոդվածով նախատեսված հիմքերից որևէ մեկը:

Մրցույթն անցկացվում է, եթե մրցույթի համար դիմել է մեկ մասնակից:

Մրցույթն անցկացվում է երկու փուլով՝ թեստավորման և հարցազրույցի:

Թեստավորումը կարող է անցկացվել համակարգչի միջոցով կամ գրավոր:

Թեստերը կազմում է մրցութային հանձնաժողովը՝ մասնակիցների գիտելիքները ստուգելու համար՝

ա) Հայաստանի Հանրապետության Սահմանադրության,

բ) «Հեռուստատեսության և ռադիոյի մասին» ՀՀ օրենքի,

գ) «Հեռուստատեսության և ռադիոյի ազգային հանձնաժողովի մասին» ՀՀ օրենքի իմացությունը:

Համակարգչում գետեղված հարցաշարը ոչ ուշ քան մրցույթն անցկացնելուց մեկ ամիս առաջ, պետք է հրապարակվի:

Թեստում յուրաքանչյուր հարց պետք է ունենա 3-4 ենթադրյալ պատասխան: Յուրաքանչյուր հարց պետք է ունենա մեկ միանշանակ ճիշտ պատասխան:

Հարցազրույցի փուլին իրավունք են ստանում մասնակցել թեստավորման առաջադրանքների առնվազն 90%-ին ճիշտ պատասխանած մասնակիցները:

Մասնակիցների հետ հարցազրույց անցկացվում է գիտության, կրթության, մշակույթի, լրագրության բնագավառների, դրանց հիմնախնդիրներին ուղղված հեռուստատեսային ծրագրերի ստեղծման, լուսաբանման ուղղությամբ:

Մրցութային հանձնաժողովը հարցազրույցի արդյունքում յուրաքանչյուր մասնակցի համար անցկացնում է քվեարկություն:

Մրցութային հանձնաժողովի անդամը քվեարկում է կողմ կամ դեմ և քվեարկության մասնակցած անդամների կեսից ավելին կողմ ձայներ հավաքածները ճանաչվում են մրցույթում հաղթած:

Մրցույթի արդյունքները հրապարակվում է մրցույթն անցկացնելուց հետո՝ նույն օրը:

Մրցույթի արդյունքները նույն օրը կարող է գրավոր բողոքարկվել Ազգային ժողովի նախագահին կամ դատական կարգով:

Մրցույթի արդյունքների հրապարակումից անմիջապես հետո մրցույթի արդյունքում հաղթող ճանաչված մասնակիցների վերաբերյալ եզրակացությունը մրցութային հանձնաժողովի նախագահը ներկայացնում է գրավոր Ազգային ժողովի նախագահին:

Ազգային ժողովի նախագահը մրցույթի արդյունքներից ելնելով ճանաչվածին (ներին), եթե կա բողոք ներկայացնում է Ազգային ժողովի առաջիկա քառօրյա նիստում:

Ազգային ժողովը այդ մարմնի անդամներին մրցույթի արդյունքներից ելնելով ընտրում է պատգամավորների ընդհանուր թվի ձայների մեծամասնությամբ:

Չի բացառվում, որ տվյալ պաշտոնում նշանակվի բողոք ներկայացնող քաղաքացին:

Եթե մրցույթի արդյունքով ոչ ոք չի ճանաչվել հաղթող (թեստավորման փուլում, ապա հարցազրույցի ժամանակ) ապա անցկացվում է նոր մրցույթ:

Եթե մրցութային հանձնաժողովն իրավագոր չէ (նիստին չեն մասնակցում կեսից ավելին) ապա մրցույթը համարվում է չկայացած և անցկացվում է կրկնակի մրցույթ:

Կրկնակի մրցույթի ժամանակ մրցույթին մասնակցելու համար նոր դիմումներ չեն ընդունվում և անցկացվում է մրցույթ 10-օրյա ժամկետում ընդհանուր հիմունքներով:

Եթե մրցույթին մասնակցելու համար ոչ մի դիմում չի ներկայացվել, կամ ներկայացված դիմումներում առկա են «Հեռուստատեսության և ռադիոյի մասին» օրենքի 41-րդ հոդվածի կամ 45-րդ հոդվածներով սահմանված հիմքերից որևէ մեկը, ինչպես նաև մրցույթին մասնակցելու համար դիմում ներկայացրած անձանցից ոչ մեկը չի ներկայացել, ապա մրցույթը համարվում է չկայացած և անցկացվում է նոր մրցույթ:

Սույն հոդվածով սահմանված կարգի խախտմամբ անցկացված մրցույթն անվավեր է ճանաչվում դատական կարգով:

Նոր մրցույթ է անցկացվում նաև մրցույթն անվավեր ճանաչելու դեպքում՝ ընդհանուր հիմունքներով:

Ազգային հանձնաժողովի անդամի թափուր տեղի համար թեկնածու կարող է առաջադրվել յուրաքանչյուր ոք՝ «Հեռուստատեսության և ռադիոյի մասին» օրենքի պահանջների համաձայն:

Ազգային հանձնաժողովի անդամ նշանակողի (ընտրողի) կողմից Ազգային հանձնաժողովում իր կողմից նշանակվելիք հերթական անդամին չնշանակելը (չընտրելը) հիմք չէ Ազգային հանձնաժողովի մյուս անդամ նշանակողի (ընտրողի)՝ իր նշանակմանը (ընտրմանը) ենթակա հաջորդ թափուր տեղի համար անդամ չնշանակելու (չընտրելու) համար:

Նույն անձը չի կարող ավել քան երկու անընդմեջ նշանակվել Ազգային հանձնաժողովի անդամ:»:

ՀՈԳՎԱԾ 2. Սույն օրենքն ուժի մեջ է մտնում պաշտոնական հրապարակմանը հաջորդող տասներորդ օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ**

**«ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ ԱԶԳԱՅԻՆ ՀԱՆՁՆԱԺՈՂՈՎԻ ԿԱՆՈՆԱԿԱՐԳ»
ՀՀ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ ՍԱՍԻՆ**

Հոդված 1. «Հեռուստատեսության և ռադիոյի ազգային հանձնաժողովի կանոնակարգ» ՀՀ օրենքի (28 դեկտեմբերի, 2001թ. ՀՕ-293.) 2-րդ հոդվածում «Հանձնաժողովի գործունեության սկզբունքներն են» բառերից հետո ավելացնել «օրինականությունը, ժողովրդավարությունը» բառերը:

Հոդված 2. Օրենքի 5-րդ հոդվածի՝

ա) 1-ին մասի «Հանրապետության Նախագահի կողմից» բառերից հետո լրացնել «մրցութային կարգով» բառերը:

բ) 2-րդ մասի առաջին նախադասությունը շարադրել հետևյալ խմբագրությամբ.

«Հանձնաժողովի անդամներն իրենց աշխատանքները իրականացնում են վճարովի հիմունքներով»:

Հոդված 3. Օրենքի 9-րդ հոդվածի «բ» կետի «բաժնետերեր» (փայտեր) բառից հետո լրացնել «և (կամ)նրանց փոխկապակցված անձիք» բառերով:

Հոդված 4. Օրենքի 13-րդ հոդվածի վերջին մասի «գույքային» բառը փոխարինել «գույքից» բառով:

Հոդված 6. Օրենքի 14-րդ հոդվածն ուժը կորցրած ճանաչել:

Հոդված 7. Օրենքի 18-րդ հոդվածում «տեղակալը» բառից հետո լրացնել

«, անդամները» բառը:

Հոդված 8. Օրենքի 19-րդ հոդվածում «, տեղակալը» բառից հետո լրացնել

«, անդամները» բառը:

Հոդված 9. Սույն օրենքն ուժի մեջ է մտնում պաշտոնական հրապարակմանը հաջորդող տասներորդ օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ

«ՊԵՏԱԿԱՆ ՏՈՒՐՔԻ ՍԱՍԻՆ» ՀՀ ՕՐԵՆՔՈՒՄ ԼՐԱՑՈՒՄ ԿԱՏԱՐԵԼՈՒ ՍԱՍԻՆ

ՀՈԴՎԱԾ 1. «Պետական տուրքի մասին» ՀՀ օրենքի (1997 թվականի դեկտեմբերի 27-ի, ՀՕ-186) 19-րդ հոդվածում ավելացնել 10-րդ կետ հետևյալ բովանդակությամբ.

<p>10. Հեռուստառադիոհաղորդումների հեռարձակման արտանատիրոջ (լիցենզիա ստացող) իրավունք ստացած իրավանքանական անձից</p>	<p>բազային տուրքի հինգհարյուրապատիկի չափով</p>
---	--

ՀՈԴՎԱԾ 2. Սույն օրենքն ուժի մեջ է մտնում պաշտոնական հրապարակմանը հաջորդող տասնօրյա ժամկետում: